



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

CCCXCVIII. Gerhard, Albrecht und Hans von Wustrow verkaufen an Claus von Jagow Besitzungen in Marleue, am 25. März 1505.

Nutzungsbedingungen

[urn:nbn:de:hbz:466:1-56044](https://nbn-resolving.org/urn:nbn:de:hbz:466:1-56044)

CCCXCVIII. Gerhard, Albrecht und Hans von Bustrów verkaufen an Claus von Jagow
Besitzungen in Marleue, am 25. März 1505.

Wy Heren Gherdt, Domhere to Hildensim, Alberdt vnde Hans van Wustrow, gebrodere, Bokennen —, dath wy erffliken to eyneme rechten euigen erffkope vorkofft hebben vnde vorkopen iegenwordigen, in vnde myth crafft des ses breven deme Duchtigen Clawes van Jagow, vnsme leuen Ohme, synen eruen vnde syner eruen vnde flechtes nakamelinghen vnse viff houe to Marleue to eyneme rechten ewigen erffkope ewichliken by en to bliuende, An Pechten alle nomeliken, Eyn iderman giff dree marc lubseher weringe iarlikes, Richte vnde denst vnde ackere, An tegeden, An renten, An allen Eken vnde weken holten, An wisken, An watere, An weyden, An grunden, An berghen, An Studen, moren, Sandtschellen, myth der Jacht vnde vorgeborgen grunden vnde Schath, den me weth vnde nochmals muchte to wetende krigen vnde ift dar noch wes mer tohorede, Dath me nu nicht enweth vnde nochmals kunde affrichten, schall alle eyn gekofft koop syn, wo bauen bofereuen, vnde suft myth aller heren Gnade, Frieheith vnde rechticheidt vnde myth allerleye tobohoringhe Alle men dath bonomen mach, nictes darbuten bofscheiden, Alle vnse vader dath friest gehath vnde van deme forsendoem to Luneborch to Leene entfangen hefft vnde nhu wente an vnss ghebracht vnde vnss darmede boeruet hefft. Vnde desse koop ift geschen myth vnser wolbodachten frien guden willen, ook myth Fulborde vnde rade vnser eruen vnde Fründe. Hir var hefft vns vnse Ohm Clawes van Jagow ful vnde al gegeuen vnde wol to dancke vernoget ver hundred Rinfke gulden, de wy vort in vnse vnde vnser eruen nutt vnde Framen wiliken gekeret vnde gekamen syn, vnde wy willen vnde vnse eruen vnde vnser erues eruen, vnde vnser vnde vnser eruen nakamelinghe scollen Clawes van Jagow vaken genommet myth alle synen medebonomen des ses rechten euigen erffkopes recht werende syn vor alsweme to rechte wo vaken vnde wen wy dar to geefket werden vnde wy vorlaten vor vnss, vnse eruen vnde vnser eruen erues eruen Clawesen van Jagow vnsme leuen ohme synen eruen vnde syner eruen erues eruen, syner vnde aller syner eruen vnde geschlechtes nakamelinghen de viff houe to Marleue, alle vargesereuen ift, vnde de ghewere erffliken to eyneme euigen erue ewichliken to brukende myth frien wolbodachten guden willen, Vnde wy Her Gherdt, Alberdt vnde hans, vakengenomet, vnde alle vnse tobofereuen boholden dar nene ansprake to, de vnss muchte to framen kamen edder ene to Jennigen Schaden muchte kamen, vnde wy willen vnde vnse eruen scollen Clawesse van Jagow ergenommet myth allen synen togesereuen de leene vorlaten vor vnser Gnedigen Heren Hertogen to Luneborch vnde wy scollen en de leene to gude holden, so lange vnss vnse ohm edder syne eruen dar to esken. Weret ock, dath desse breff in iennigen artikellen to lang effte to kordt gesereuen were, datt vnss muchte baetligk syn vnde vnser eruen vnde Clawes von Jagow vnde synen eruen muchte schedelick syn, schall vnss vnde vnser eruen nichtess batlick syn, ock Clawes van Jagow vnde synen eruen nictes schedelick syn, Besunderen to eyneme rechten ewighen erffkope ewichliken by en to bliuende. Des ses to tughe Wissenheith etc. — Na Christi vnser heren gebordt, Veffteyn hundred Jar, darna in deme vefften Jare, Des Dinxstages In den hilligen paffen.

Gerden's Dipl. I, 584—587.